

Covid-19 Bill Rann Lagrev Ilegal dan ankor plis Sektor Travay

Lartik pibliye lor nu websayt le 13 Me 2020 montre kuma guvernman MSM-ML-Transfiz pe maske enn nuvo kloz dan *Covid-19 Bill* ki ti pe debat dan Parlman. Sa kloz la pa pu anviger zis pandan lokdawn, me usi dan lavenir kot pu rann lagrev ilegal dan ankor plizyer sektor travay, inklir lepor. Sa li tipik enn guvernman MSM ki servi represyon kuma zot sel solisyon a ninport ki problem, ek asterla pe plann pu ena ankor plis represyon pli divan.

Amandman Employment Relations Act

Nuvo Limitasyon Drwa Lagrev dan plizyer Sektor Servis

Propozisyon pu amandman a Employment Relations Act dan Covid-19 Bill menas drwa lagrev ki deza limite dan lalwa relasyon indistriyel existan. (Nuvo Paragraf 70 (4) *Part 1 of the Third Schedule*) Nuvo Sektor ki pu afekte: Avyasyon sivil ek tu servis erport ater ek servis komplemanter, Trafik Avyon, Lasante, Lopital, Lepor inklir kargo-enndling ek lezot aktivite dan lepor, tu pu klasifye parey kuma Lapolis ek pompye. Dan lalwa kuma li ete avan Bil, sa bann sektor la liste dan Trwazyem Sedil ti klasifye kuma sektor kot ti bizin ena enn servis minimam oka ena enn lagrev. Avek nuvo amandman, pe ranplas Trwazyem Sedil kot limit drwa lagrev pa zis pu lapolis ek pompye kuma lalwa ete asterla, me li aplike a tu sa bann sektor servis la (Paragraf 77 avek propozisyon amandman dan Bil)

Servis Minimam oka lagrev

Nuvo amandman azut enn nuvo sektor *Air Transport* (Transpor Avyon)

[Tab anba montre sektor afekte par amandman EReA dan nuvo lalwa Covid-19]

Kuma li ti ete avan Bill	Amandman apre <i>Covid-19 Bill</i>	
EMPLOYMENT RELATIONS ACT 2008 <i>Third Schedule</i> (Section 81)	EMPLOYMENT RELATIONS ACT 2008 <i>Third Schedule</i> (Sections 70 and 81)	
SERVICES REQUIRING A MINIMUM SERVICE	Part I (klasifye kuma Lapolis ek Pompye) Sec 70(4)	Part 2 (Minimum Service)
Air traffic control	Air traffic control	
Civil aviation and airport, including ground handling and ancillary services	Civil aviation and airport, including ground handling and ancillary services	
Customs		Customs
Electricity		Electricity
Health	Health	
Hotel services		Hotel services
Hospital	Hospital	
Port, including cargo handling services and other related activities in the ports including loading, unloading, shifting, storage, receipt and delivery, transportation and distribution, as specified in section 36 of the Ports Act	Port, including cargo handling services and other related activities in the ports including loading, unloading, shifting, storage, receipt and delivery, transportation and distribution, as specified in section 36 of the Ports Act	
Radio and television		Radio and television
Refuse disposal		Refuse disposal
Telephone		Telephone
Transport of passengers and goods		Transport of passengers and goods
Water Supply		Water supply
		Air transport

Olye Guvernman vinn ek propozisyon pu gete kimanyer pu radikalman amelyor kondisyon travay dan servis esansyel pu rekonet kontribisyon imans ki travayer esansyel fer pu gard popilasyon an bonn sante, nu pe truv ki Guvernman pe servi sa irzans saniter lepidemi Koronavirus pu redefinir relasyon indistriyel ki vinn afebli balans defors an defaver travayer dan sektor esansyel.

[Koreksyon taypo ... 23-06-2020]